

遊

解

小

阮松
題




象史女忝皐畫者作

臯忝女史小傳

臯忝初氏高垂髻失恃就母舅行肄刺繡愛無
乍成險韻渾忘食眠不喜與男朋而世之伺其
繁有徒也年十六會有商人予以重贄倩妁詣
自茲戾德孔昭人以無敢再問姓者獨與葱園主
頭迄未舉式就中委曲筆難喻也某歲臘隻影遊
其裳袴赤體行街人於是更從而瘋之所爲吟艸
輕出示冷僻之極有時傷世襟期洒宕不類巾幗
迄今三年不出戶








初報臯忝女史

瞻女史造象未嘗不神馳東天寢噉俱忘矣豪雨飄傾我心以碎
縱有吟興苦難成詩卿倘以余仍在人間世邪溯憶洲崎之游彌
增索篆之感『人生幾時少月日促擲急』寒泉漱枕半抹斜陽雲
鎖楓堤那堪回首歸鴻趁潮猶在作離群喚也尊題新綺豔冷勉
繹成文屬郵塵評不值一粲





臯忝女史小詠

欲鎖空閨恐掩塵簾櫳一半借西鄰剩殘朱粉羞窺鏡柳妬梅欺放了春

檐露疎疎曉夢回昨宵剩酒漫相陪青山畢竟終難駐忍嫁西風自作媒

忍抱別絃意暗傷孤燈泣處惱頰唐轉憐醉後生離苦夢落窩雲半枕香

幾譜離詞月色遲臨眠獨自費尋思香塵乍憶情多少夢影空教短似絲

欲懺閑禪趁晚涼流雲碎處伴垂楊新詞憶罷填無韻輸了東籬幾點黃

向誰惆悵說從頭
忍別東風攬鏡羞
疎磬一聲天寂寂
落花斜照帶新愁

征衫蚤寄復書遲
曲檻憑斟酒半卮
月搗疎砧雲落鷺
不堪天際寫秋詩

模糊往事是耶非
贏得孤身伴冷幃
打起杜鵑休啼樹
傷情最怕喚春歸

懊儂情緒倩詩繅
也有閨中嘆二毛
新釀共誰消
冷夜憑睂月色餞離騷

偏多此地盼春遲
香篋塵銷漫不知
嶺上梅花猶自傲
涼雲和恨剪三枝

乍見春歸鳥都喜
日上三竿剛睡起
分付鴉鬟勿弄床
怕是將愁疊被底

數到歸期不可期
鞭絲帽影落蒼曦
秋風半宿無人問
瘦了西湖又幾堤

淘殘新怨夢都翻深掩苔扉月印軒睡起正聽幽澗雪疎鐘落處一聲猿

風冷蕭齋寂寂秋夢難憑處念難休不憐柳葉因霜落免得絲絲掛綺愁

背彈清淚自持強冷霧和愁逼上臆膺有殘榴秋不管含情一半墜幽香

離思殘葉兩飄零絳蠟重然對月聽惱是西風料峭甚吹將詩夢落如萍

綺魂應逐碧波遙一夜東風作態嬌山綠都教吹進院何嘗掩得竹扉牢

閑能標致可人憐小病居然又幾天無那月篩花影碎將愁和藥一齊煎

杜鵑聲裏漫迴腸啼破花魂葉已黃說與閑人多不信西風歷落怕嬌香

鏡檻猶紅蚤証心拈花難悟費追尋
雙棲莫遣吟秋雨幾日愁添病裏琴
醉後無端懶唱歌病魔斷處繼詩魔
征驂乍歇情多少江水無言悵戀窩

離踪悲思雨續紛
幕地西風雨打門
只道清閨愁滿院
月明花落幾黃昏

隱隱疎鐘落暮煙
牽愁怪得重情緣
弔從蘇小墳邊坐
一抹長堤綠半肩

風急疎砧鬢影催
閨中無事效銜盃
悽清剛盼新春至
幾日重教鳥喚回

瓊簫好夢兩紛拏
香滿榴裙雨染霞
寂寞珠簾愁欲墜
東風老去怨桃花

蟬雲香襯春猶舊
一樣悲涼敢自矜
儂未負人空信命
菱花羞對瘦如僧

多從豔句織迴文楓冷西冷悵暮雲鬢影刁蕭秋已老半床涼夢爲誰溫

枕暉帷低蝶夢央愁雲遙隔太顏唐迴帆今後知何日分付秋心自主張

蓋篋慵開覓舊裘情深綠綺勉粧修月牙最恨偏多仰故把愁心騙上鉤

散淡如人笑懶何年來心事枉張羅閑嘗莫謾登機杼織就新愁恨轉多

舊約新題案似麻客來村遠酒難賒傷心最是垂簾後幾點桃煙逗落霞

蕭散白雲淡暮流從誰更作寄書郵惱人最是鄰家笛吹落黃花幾點秋

桃花落處倚斜陽剩句愁從卸晚粧盼到歸期書未見憑誰春事再商量

幾年消息未曾聞
滿雨苔斑又映曛
却覺無端春繡懶
可憐花影不留雲

入望春暉滿綺羅
一簾風雨困吟窩
鍾峰若是知人事
搗碎離愁擲熱河

數到相思又幾層
爲誰膏沐伴殘燈
落梅小院香塵軟
好句羸教碎似冰

薄倖爭傳意未寧
楊花媚蕩怨寒涇
斜陽抹處憐郎瘦
消息無端總懶聽

往事模糊不耐思
每多夢裏惹情癡
幾年消息無人問
綺恨偏因愛寫詩

扎掙題詩餞了春
低雲落葉可憐人
簷前偶爾聊停步
月影逼來又上身

也教風雪免撩人
病體丁寧恍似塵
若是月花能長在
斬將一面報知心

繡被淒馨啼跡輕
簾波秋綠蕩嬌聲
無人共話孤吟處
桐葉垂牕著意聽

膩雨嬌雲碎似金
綠窗空鎖舊時琴
無端莫遣傳清譜
駭了吟魂沒處尋

露冷中秋夢不東
年來敢復論窮通
欲酬險韻難成句
捲罷疎簾問晚風

柳色餘濃逞退顏
西風無賴看山還
相思謾道滄桑苦
秋在檀郎綠鬢邊

無言湖水冷
空娑搖落疎鐘聽
暮霞閑憶舊題悲
夜月漫撩新淚濺
琵琶

轉過臺階月色濛
夢如流水醒如冰
桃花落地休勤掃
怕有春光葉底驚

露冷芭蕉噪暮鴉
小牕空鎖意如麻
半蟾掛處詩難就
懶向山僧把韻賒

漠漠涕潮續似綸難祛激刺漫提神坐樹暮色盃邀月但覺秋花欲罵人
學蘭性笨筆慵揮浙瀝彈廳燭影微病骨丁寧輕似蝶向人羞道菊花肥

留歲寒風入夢頻棲鴉流水黯霜晨秋來無故翻多病不信相思也有菌

蜉蹤落落逐星馳空負聰明筆一支命薄如霜霜似夢怨儂偏說會吟詩

平烟春剪碧波沈一半運香碎入琴不許折花連露折留將垂泣表同心

黃昏幾度約相催過眼逢迎計已灰莫道春深花事好一牕幽夢亂於梅

西園春事蚤情疎伴向清吟月入廬準與殘花一處葬小鬟不肯帶根鋤

露重西塘渺蒹葭花愧對却私窺淚多勝似姨家釀
進入新醅一例篩

莎蘋香老怪西風茅戶慵開養淡冲欲帶鄉音剛問訊一繩冷雁掛長空

韶華消滅逐流曇掃落閑愁雨打庵一樣西風秋未老舊情空譜憶江南

路斷淮濱恨轉蓬難將情緒寄東風小樓夢覺方塘晚春在流鶯乍啼中

情禪懺盡苦紛拏幾憶征鴻綺夢賒寂寞槿籬秋不管憑凌雙鬢雨搖花

歸期臨別幾叮嚀愁喚秋衫冷繡屏片片落英迷蝶夢蒼煙殘照半園青

空堵亂葉墜詩鈞拚把因緣兩望休酌酒不須花畔臥誰堪秋色訴離愁

桐葉蕭條怯早寒。披衣扶倦恨，催餐夢痕。自被前宵雨，直至今晨，尙未乾。
貽花宛在，惜前塵夢，爲愁遮總不新。萬軸情絲，堪織網思來，儂亦可憐人。

枕帳薰爐冷似香。傷離別處，憶錢塘西風。不管撩人老，攪散花飛，半院霜。
也拚拙量酒，遙賒談到自由。且笑花心性，閑時情亦淡，憑饒綠柳妬蒼霞。

落楓一半染乾坤。天遠孤帆客，夢溫記取薰香綺約處。遮愁不斷，惱歸雲。
廿年心事幾驚嗟。姦夕飛英，醉暮色雲鎖朱嵐。江影瘦孤鴻，道是落誰家。

斷蕪幽柏釀晴嵐。欲釣無心，但把竿底事，不將愁帶去。落花依樣笑流湍。

問天無語鎮思維
草滿春城滯寒陲
坐待漏殘燈欲困
捲簾留讓半蟾窺

笑語偏多矢日盟
白頭空自對寒檠
才華終負蘇堤柳
情到無情始感情

昨夜風催柳乍綻
醒來夢影長如線
晨砧聲裏帶詩聲
知有幽閨愁未斷

說到無邪豈在形
半年從不誦詩經
綺情憶罷翻難寐
煙老垂楊欹枕聽

雲鬢映處嘆斜暉
水葉沈紅倦捲帷
夢裏相思應未了
無詩情緒冷征騑

西塘煙浪片花浮
小雨淒迷訴怨幽
緝把舊題追往事
涼雲滿地鎖寒流

未覺春歸偶策筇
半簷新露一邨峰
但期魚雁常來往
天遠翻教別恨鬆

鎮日人來探別蹤，羈愁直耐到殘冬。
蜘蛛猶替紡風雪，故織絲羅戶限封。

江漢遺風喜贈花，轉從紅葉助咨嗟。
只今春意濃如醉，羞道郎家是妾家。

夜長枕角半邊塵，入望天涯總不新。
恨只未能身化月，也還得照見伊人。

夕陽下處待歸雲，絮影蘋香空擲尊。
遠寺鐘聲忽帶雨，凌晨準備弔花魂。

嘗因妙語夢頻驚，情至愁時性轉誠。
猶道築城全用鐵，免教坐看美人傾。

傲霜歷罷風與雨，舊恨新愁憑記取。
閑嘗仗劍笑空江，斬盡人間不情侶。

枕邊寥落琴猶瘦，細雨歸鴻助涕淚。
兩望江遙情脉脉，此心恨不逐飛機。

輕豔憑才密愛憐舊盟孤負恨遊潛幾番也欲朝靈隱每到春時爲病黏

驚心澗淚感人遐鈔罷疑雲忍葬花愁極正憐天易暮夕陽一半落樵車

萬鍊千錘磨不銷情天重到戀生潮等閑莫道溫柔福瀛海春深兩望遙

脈脈羈愁病裏秋江南花木轉空幽語深香冷無情甚一夜蕭淒問寄郵

閒雲淡淡隔江招病裏情懷轉寂寥愁絕天南空色相開牕昨夜獨吹簫

如此才華沒醉醄人間難遁戀旒窩古禪燈昨袈裟淚綺恨偏從險韻多

朱鬢遙聳映遠長眼底愁思不可量南寺鐘聲隨月落舊題難覓獨徬徨

孤山深處息陶然肝膽空留鬱舊篇好月不明離夢斷淒迷雲樹遁心禪

桃香月影苦相和一半幽思寄碧波竹經斜通荒渡遠吟鞭聲裏別情多

花香片片濺邊塵滅盡才華韻始真小雨空簾愁欲碎寂無人處懶尋春

禮佛何時得証仙日常功課愛催眼未祛色相勞空想一硯松風半枕禪

閑從新癖嗜填詞偶臥蕉窗睡不知夢裏遠山青無數層層隔不斷相思

莎冷荒磯遣晚秋可憐魚亦避人愁收竿正喜空宵坐滿目涼雲落釣鈎

微風落月漏蕭閑桐影低迷半院煙怪得腮邊涼似夢枕函滿漬淚痕酸




小院偏幽獨睡時
堦前月色度花遲
何當一夜新秋雨
滴碎征人夢裏詩

雅度清姿媿薦梳
吟成閉月漫傾觴
珊瑚夢裏情何在
曉露無聲滿院涼

爭傳好事儘多磨
江水無言悵戀窩
記取詩魂催夢暖
春愁半皺海棠波

單調難彈自別君
半庭冷色老黃昏
妾身即便爲情死
踏碎梅花化作魂



贅言

一 逃禪小集詩都數百十首俱載熱河新報茲依當方士大夫之請別災梨棗因限于時日不獲刊成全部先將此百詠彙爲一冊付梓姑爲作品之代表云爾

一 猥荷阮駐日大使寵錫題簽外更有當代名流多人書眉併謝

（此集非賣品不許翻印轉載者須得允可）



